

ADMINISTRACIÓN LOCAL

MUNICIPAL

BERGONDO

Intervención

Aprobación definitiva e texto íntegro da Ordenanza fiscal reguladora da taxa por expedición de documentos administrativos do Concello de Bergondo

ANUNCIO

Durante a exposición ó público do acordo provisional que adoptou o Pleno na sesión que tivo lugar o día 26 de outubro de 2017, sobre a modificación da Ordenanza reguladora da taxa por expedición de documentos administrativos, non se presentaron alegacións polo que o acordo de aprobación provisional quedou definitivamente aprobado.

Por todo iso, publícase integramente a modificación da Ordenanza para os efectos establecidos no artigo 17.4 do Real decreto legislativo 2/2004, de 5 de marzo, mediante o que se aproba o texto refundido da lei reguladora das facendas locais:

“ORDENANZA FISCAL REGULADORA DA TAXA POR EXPEDICIÓN DE DOCUMENTOS ADMINISTRATIVOS

Artigo 1º.- Fundamento e natureza

En uso das facultades concedidas polos artigos 133.2 e 142 da Constitución e polo artigo 106 da Lei 71985, de 2 de abril, Reguladora das Bases do Réxime Local, e de conformidade có disposto nos artigos 15 a 19, e 20.4 a) do Real Decreto Legislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLRFL), este Concello establece a *“Taxa por expedición de documentos administrativos”*; que se rexeirá pola presente Ordenanza Fiscal, da que as súas normas atenden ó previsto no artigo 57 do citado TRLRFL.

Artigo 2º.- Feito Impoñible

Constitúe o feito imponible da taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a Administración ou as autoridades municipais.

A estes efectos, entenderase tramitada a instancia de parte calquera documentación administrativa que fose provocada polo particular ou redunde no seu beneficio aínda que non mediase solicitude expresa do interesado.

Non estará suxeita a esta taxa a tramitación de documentos e expedientes que estean gravados por outra taxa municipal ou polo que se esixa un prezo público por este Concello, nin tampouco os expedientes de devolución de ingresos indebidos.

Artigo 3º.- Suxeito Pasivo

Son suxeitos pasivos contribuíntes as persoas físicas e xurídicas e as entidades ás que se refire o artigo 35.4 da Lei xeral tributaria que soliciten, provoquen ou que no seu interese redunde a tramitación do documento ou expediente de que se trate.

Artigo 4º.- Responsables

Responderán solidaria e subsidiariamente de este tributo as persoas físicas e xurídicas a que se refiren os artigos 41, 42 e 43 da Lei Xeral Tributaria.

Artigo 5º.- Exencións

De conformidade co disposto no artigo 9.1 do TRLRFL, non se recoñecen outros beneficios fiscais que os expresamente previstos nas normas con rango de Lei ou os derivados da aplicación do tratados internacionais.

Artigo 6º.- Cota Tributaria

A cota tributaria determinarase por unha cantidade fixa sinalada segundo a natureza dos documentos ou expediente a tramitar, de acordo coa tarifa que contén o artigo seguinte.

A cota de tarifa corresponde á tramitación completa, en cada instancia, do documento ou expediente de que se trate, desde a súa iniciación ata a súa resolución final, incluída a certificación e notificación ó interesado do acordo recaído.

Artigo 7º.- Tarifa

A Tarifa á que se refire o artigo anterior estrutúrase do seguinte xeito:

Certificacións de documentos de acordos municipais do ano en curso	14,00 euros
Certificacións de documentos de acordos municipais de anos anteriores	21,00 euros
Informes de convivencia e outros	8,00 euros
Certificacións e informes de padróns fiscais.	8,00 euros
Por cada certificación catastral literal expedida polo Punto de Información Catastral, agás as certificacións negativas que non devengarán taxa algunha.	8,00 euros
Por cada certificación catastral descriptiva e gráfica expedida polo Punto de Información Catastral	14,00 euros
Resto de certificacións, agás as relativas a Padrón	14,00 euros
Bastanteo de poderes	14,00 euros
Certificacións emitidas por técnicos municipais non reguladas noutras ordenanzas	21,00 euros
Copia da cartografía en soporte de papel	4,00 euros
Copia da cartografía en soporte informático	8,00 euros
Contratos administrativos: en toda clase de contratos administrativos, xa sexan obras pública, servizo público, subministro e demais contratos nominados ou innominados en xeral, e calquera que sexa a forma de adjudicación e atendendo ás diversas fases do expediente administrativo, aplicaranse as seguintes tarifas:	
Contratos administrativos: Formalización, cada folio	4,00 euros
Ademais da cota resultante do número anterior, por contía do contrato que ven determinada polo orzamento de adjudicación aplicarase a modalidade de alicota por escalóns:	
Polo exceso entre 50.000,01 euros (sen IVE) ata 200.000,00 euros (sen IVE)	36,00 euros
Polo que excede de 200.000,00 euros (sen IVE)	48,00 euros
Dereitos de exame.	
Para acceso, como funcionario de carreira, ó grupo de titulación A1, ou como laboral fixo ó nivel 1	33,00 euros
Para acceso, como funcionario de carreira, ó grupo de titulación A2, ou como laboral fixo ó nivel 2	27,00 euros
Para acceso, como funcionario de carreira, ó grupo de titulación C1, ou como laboral fixo a niveis equivalentes	21,00 euros
Para acceso, como funcionario de carreira, ó grupo de titulación C2, ou como laboral fixo a niveis equivalentes	14,00 euros
Para acceso, como funcionario de carreira, ó grupo de titulación AP, ou como laboral fixo a niveis equivalentes	8,00 euros
Por razón de empadramento ou cambios no mesmo:	
Sempre e cando se realizase para un mesmo suxeito máis dun cambio nos últimos doce meses	17,00 euros

Artigo 8º.-Bonificación da Cota

Ás cotas tributarias indicadas no artigo anterior aplicaráselles unha redución do 50%, no caso de que os contribuíntes, persoas físicas que teñan escasez de recursos económicos ou persoas xurídicas sen ánimo de lucro ou con fins sociais ou benéficos, sempre que así o acredite un informe dos Servizos Sociais do Concello e previa solicitude individualizada en cada caso.

Artigo 9º.- Devengo

Devengarase a Taxa e nace a obriga de contribuír cando se presente a solicitude que inicia a tramitación dos documentos e expedientes suxeitos ó Tributo.

Nos casos a que se refire o parágrafo 2 do artigo 2º, o devengo prodúcese cando teñan lugar as circunstancias que provean a actuación municipal de oficio ou cando esta se inicie sen previa solicitude do interesado pero redunde no seu beneficio.

Artigo 10º.- Declaración e Ingreso

A Taxa poderá esixirse en réxime de autoliquidación, debendo presentarse o acreditativo de pago da taxa xunto coa solicitude, ou escrito presentado. Non realizándose trámite algún, sen o pago da mesma.

As certificacións ou documentos que expida a Administración Municipal en virtude de oficio de Xulgados ou Tribunais para toda clase de preitos, non se entregarán nin remitirán sen que previamente se satisfaga a correspondente cota tributaria.

Artigo 11º.- Infraccións e Sancións

En todo o relativo á calificación de infraccións tributarias, así como das sancións que ás mesmas correspondan en cada caso, estarase ó disposto nos artigos 183 e seguintes da Lei xeral tributaria e demais normativa aplicable que a desenvolve.

DISPOSICIÓN FINAL

A presente ordenanza fiscal entrará en vigor ó día seguinte ó da súa publicación definitiva no Boletín Oficial da Provincia, permanecendo en vigor ata a súa modificación ou derogación expresa”

Faise constar igualmente que contra o acto de aprobación definitiva, que pon fin á vía administrativa, os interesados poderán interpoñer-lo recurso contencioso-administrativo ante o órgano competente da xurisdicción contencioso-administrativa, de conformidade co disposto nos artigos 8, 9 e 10 da Lei 29/1998, do 13 de xullo, no prazo de dous meses que contan a partir do día seguinte ó da publicación deste acordo no Boletín Oficial da Provincia, segundo o artigo 46.1 da citada Lei 29/1998, de 13 de xullo.

Bergondo, 28 de decembro de 2017

A alcaldesa

Alejandra Pérez Máquez

2017/11131